

PROVINCIA EPIRI NOVÆ.

DYRRACHIVM Ptol. lib. 3. cap. 13. vulgò *Durazzo* & *Drazzi* Turcis. *Lucas* Dyrrachij Episcopus subscripsit Epistolæ Epiri nouæ ad Leonem Imperatorem.

SCAMPES Ptolem. ibid. *Scampi* adhuc dicitur in Tabula recenti. *Artemius* Escampenus Episcopus subscripsit eidem Epistolæ, & *Troj* Scampini mentio fit in Epistola Andreae Præualitani ad Hormisdam.

APOLLONIA Ptolem. ibid. Italis *Palpollina* & *Piergi* Turcis, Sophiano teste. *Eusebius* Apolloniadis Episcopus subscripsit dictæ Epistolæ Synodali.

AVLON Ciuitas naualis Ptol. ibid. *La Valona* Italis. *Nazarius* huius Episcopus subscripsit eidem Epistolæ.

AMANTIA Ptolem. ibid. Italis *Porto-Raguseo*, si Ferrario credimus. *Eulalius* Amantiæ Antistes subscripsit Concilio Sardicensi.

LYCHNIDVS Ptol. ibid. Turcis *Gustandel*. *Antonius* Lychnidij Episcopus in subscriptionibus dictæ Epistolæ legitur.

BVLLIDVM seu Bullis Ptolem. lib. 3. cap. 12. Vallidum Epistolæ Synodicae Epiri nouæ ad Leonem, cui *Philocaris* huius Episcopus subscripsit.

*Paulus* Prinatenus Episcopus etiam subscripsit Epist. Synod. Epiri nouæ ad Leonem: sed cuius ciuitatis fuerit, non constat. Ego mendum in subscriptionibus esse arbitror: cum nullam urbem, à qua nomen istud acceperit, hac in regione repperim.

PROVINCIA CRETÆ.

GORTYNA Ptol. lib. 3. cap. 17. vulgò *Gortyn* teste Sophiano. *Iconius* Gortynæ Antistes Ephesino Concilio subscripsit, & *Martyrius* Chalcedonensi.

GNOSVS Ptolem. ibidem vulgò *Ginosa*. Ex huius ciuitatis Præsulibus *Zenobius* eidem Ephesino Concilio subscripsit, & *Gennadius* Chalcedonensi.

HIERAPETRA Ptolem. ibid. quæ in Concilijs vt plurimum Hierapina dicitur, vulgò *Gierapetra* Sophiano teste. *Euphronius* huius sedis Episcopus eidem Chalcedonensi Concilio subscripsit.

LAPPA Ptol. ibid. quæ etiam hodie *Lappa* dicitur. *Demetrius* Lappensis Episcopus eidem Concilio Chalcedonensi subscripsit, & *Prosdocius* Epistolæ Synodali Prouinciæ Cretæ ad Leonem Imperatorem.

SVBRITA Ptolem. ibid. vulgò *Sandioia*. *Cyrillus* huius sedis Episcopi subscriptio legitur in Concilio Chalcedonensi.

ELEVThERA, Eleutheræ Ptol. ibid. & Eleuthernæ Plinio lib. 4. cap. 12. *Euphrates* huius Episcopus eidem Concilio Chalcedonensi subscripsit.

CHERRONESVS Ptol. ibid. vulgò *Chironniso*. Ex eius Episcopis *Ande-rius*, alijs *Andreas* Concilio Ephesino subscripsit, & *Euphrata* dictæ Epistolæ Synodicae.

CYDONIA, Cydonis Ptol. ibid. vulgò *La Canea* Sophiano. *Sebon* eius sedis Episcopus subscripsit dictæ Synodali Epistolæ: vnde in eius syngra-